

CHARLES "CHIC" SHAVER

**NOMBA
IFI NAAABA
UMWINA
KRISTU**

Ukusambilila Ifya
mulu Baibele Ifyakwambilapo
ku balumendo naabakashana

Ukusambilila Ifya muli Baibele Ifyakwambilapo ku balumendo naabakashana
Charles “Chic” Shaver

Copyright © 2024
Nazarene Publishing House
Aya amasambililo baayapekenye kuli ba Nazarene Youth International

Mark Gilroy, Uwapitulwikemo
Janice J. Greeno, Kafwilisha wakwe Uwapitulwikemo

Amalembo Yamushilo yonse yamuli Baibele Ishiwi Lyakwa Lesa ILL15

Amafunde yakwe Uwakusambilila nankwe

Twatotela pakuboomba naankwe uyu uwacetekela ndaka ino!

Aya amasambililo baayapanga ukutla ati wingayapela uwakusambilila, isambililo limo chila mulungu. Walinga ukusunga yambi yonse ukushinta kubushiku bwakukumana nakaambi.

1. Ico yaabelako aya amasambililo yamuli Baibele

Ici icitabo icakutungulula, caabelako ukuti caafwilisheko abena Kristu abapya bapokelele ukutungulilwa, ukutungululwa, nookukoseleshiwa kumwina Kristu munankwe. Incito yoobe kusambilila Ishiwi lyakwe Lesa pamo nabeena, ukupepa nabeena, nookuba nabo inshita ishamumaano. Aya amasambililo yaalakwafwilishako ukucita ifi.

2. Muleekumana bwangubwangu

Muleekabila ukukumana noomwina Kristu umupya bwangubwangu, saana fye ilyo 24 hours tailapwa ukufuma palya aalwike. Boomfyeni iyi nshita pakupepa. Ukukonkapo, bapeleni Isambililo 1 na Amashiwi ayamuli Baibele ayakwibukisha (putuleni kucipepala).

3. Muleeba abaipekanya pali cila isambililo

Muleebala mwapituluka muli cila isambililo. Nga muli neelipusho pali cila ubwasuko ubwalungama, nangula ifyalondoloka cila ishiwi ilyamuli Baibele, pekanyeni inshita iyakukumana nabakacema, pamo nentungulushi yabalumendo naabakashana mulaande nabo. Pali cila isambililo paaliba apakuti engalemba amepusho yakwe umwina Kristu umupya. Nga wafilwa ukwasuka, landa nabakacema, pamo nentungulushi yabalumendo naabakashana ilyo tamulakumana naabene Kristu abapya.

4. Pekanyeni inshita iyakulaakumana ilingi

Pekanyeni inshita cila mulungu nookwakulakumanina, saana fye muṇanda yamuntu, pamilungu cine konse konse. Pali cila ukukumana, mwalinga ukubala mwapituluka muli fintu mwasambiliile, mushininkishe ati naabasambilila amashiwi yamuli Baibele ayakwibukisha, elyo mubapele isambililo iyakonkapo, namashiwi ayamuli Baibele ayakwibukisha. Mukonkanyepo ifi fine mpaka amasambililo ayamilungu cine konse konse yakapwe.

Nga umwina Kristu umupya tapwile isambililo, mwalinga ukuboombela pamo nankwe.

5. Koselesheni ukukula mumupashi

Muleekwaka inshita cila mulungu iyakuceceta ubulendo bwabo ubwamupashi. Muleebakoselesha ukulaalemba amatontonkanyo yaabo nemilanguluko yaabo kulubali lwacitabo uko baalemba ati “Apakulemba amatontonkanyo yandi ayamumupashi”. Muleekwata inshita iyakupepela pamo. Aya amasambililo ayakukonkanyapo yaboomba bwino nga kuli ukupokelelwa ukwansaansa nookuba mucumfwano icakusakamana umuntu pakati kamwina Kristu umupya noomunankwe uwakusambilila nankwe.

6. Muleelemba ukulunduluka kwakukumana kwenu

Muleeboomfya “Apakulemba ukulunduluka.” Kuumpela yacila ukukumana, lembeniko amashiwi ayanono ayakulondolola fintu muboombele. Pakucitefyo cilaafwilishako ukwibukisha ifyakulumbula pakupepa nookulalenga bakacema, pamo nentungulushi yabalumendo naabakashana beeshibe fintu umwina Kristu umupya aleelunduluka.

7. Kumpela yesambililo iyakulekelesha

- Peni Icipepala Cakushininkisha Ukusuminishiwa (Certificate of Recognition), ico basaiine kuli imwe, nakuli bakacema (nangula kuntungulushi yabalumendo naabakashana). Bakacema kuti baafwaya ukubako pakupela ifi ifipepala panshita yakusefya.
- Peni inifulupu kuli bakacema nangula intungulushi yabalumendo naabakashana umuli Apakulemba ukulunduluka pakuti bengasunga ifyaleembwa umulimo wenu.
- Mulanshanye pafyakucita pafyakukonkanyapo ukukula mumupashi. Mubakoseleshe baleeiposo kufyamucilonganino namwibumba lyabalumendo naabakashana, nookulanguluka pafyakwamba akalibumba kanoono akakusambilila ifyamuli Baibele, ukupepa, nookulaebako bambi.
- Beniko nakashita akakutotela Lesa pakumipeela insambu iyakwafwilishako bambi pakuti bakule mukukonka Yesu Kristu.

Isambililo 1

Nicinshi Icamoneeke kuli Ine?

Ubwikalo bwine bwine

Panshiku shonse isho Yasoni aishibene na Damoni, aleekumbwa imikalile yakwe Damoni. Damoni aali uwapusana kuli bonse abo aishiibe. Lintu abafyashi bakwe Yasoni baalekene icupo, Damoni aali uwaleumfwila fintu aalekalipa umutima nookumwafwilishako, ukucila abanankwe bonse. Inshita imo lintu balelanda, Damoni aliimwebako fintu icumfwano na Yesu Kristu ca alwile ubwikalo bwakwe. Aipwishe Yasoni nga nao alefwaya ubwikalo bwine ubwakupilibula icumfwano. Yasoni alisumina, elyo aapepele ipepo limo ilyaanguka pamo na Damoni. Elyo Yasoni aipwishe ulwipusho lumo ati: “Ninjishiba ati nimpepa ipepo. Ninjishiba ati naakwaluka fimo, lelo nicinshi cicitike pakuti cinjalule?”

Ukufwailikisha Amalemba Yamushilo

Mona muli Baibele amaasuko yamepusho yakonkenyepo.

Nga tawakwata Baibele, kwaliba abena Kristu banobe nefilonganino ifingatemwa ukukwafwilisha ukwateko yimo.

Nga wasanga apo balembale Amalemba Yamushilo ati Yoani 1:12, ninshi ekweba ati ukupukule kuCitabo cakwe Yoani, pali chapita 1, aamashiwi 12. Icitantiko cafintu ifili muli Baibele chalembeba pali cila ibuula lyacipepala pali cila icitabo. Walinga ukusanga amaasuko muli Baibele, elyo wingalemba ukulingana neefyo umfwile.

1. Lintu napokelele Kristu pakumwitafye neemwine, elyo naishile ba _____ wakwe Lesa (Yoani 1:12).
2. Kristu pakwisa mubwikalo bwamuntu caaba icumfwano pali babili, elyo Kristu aalicilondolola ku Ubusokololo 3:20.
 - a. Ninani uulekonkonsha kuciibi? (Mona Ubusokololo 1:1 wishibe.) _____
 - b. Ninani uwalinga ukwasuka kwishiwi lyakwe nakukukonkonsha kwakwe? _____
 - c. Nicinshi ico alefwaya at ine ncite? _____
 - d. Nicinshi ico alefwaya ukucita nga naisula kuciibi? _____
 - e. Kuti naisula shani kuciibi? (mona Ubusokololo 3:19) _____
 - f. Bushe naawisula iciibi? _____
 - g. Bushe nikwisa uko ali Yesu ndaka ino? _____
3. Mulandu nshi Yesu aishiile mukutufwailikisha nookutupususha? (Luka 19:10) _____
4. Ukulingana nefyo baalemba ku Roma 3:23, mulandu nshi twalubile? _____
5. Ukulingana nefyo baalemba muli Baibele, nga ukukandwa nangula amalipilo ayabubiifi nicinshi? (Roma 6:23) _____
6. Ukulingana na Roma 5:8-9, ninani uwamfwilileko kale pammembu shandi? (Moneni Esaya 53:6 musangeko nafiimi.) _____
7. Lintu nayeebelele imembu shandi, nifinshi Lesa acitile? (1 Yoani 1:9) (Moneni: 1 Yoani, ico beeta ati “Yoani uwakwambilapo” caabeeela ukwipi nakumpela yaCipingo Chipya. Nikalata imo pamakalata yakwe Yoani, elyo yaalipusanako kuli Imbila Nsuma iyo aalembale Yoani, iyaba ukwipi nakulya ukwatendekela Icipingo Cipy.) _____
8. Shileni kwisamba yamashiwi ayaaba ku Esaya 55:7 ayaleemyeba ifyakucita pammembu isho muyebelelele muli buciine.

“Imwe mwe babifi lekeni imisango yenu, lekeni ukulapanga ifyabubifi mu mitima yenu. Bweleleni kuli Yawe pantu akamulangululako, kabili kuli Lesa wesu pantu alalekelela apakalamba.”

9. Ukulingana na Efeso 2:8-9, kuti twapokelela ipusukilo shani? (Chonga mukabokoshi ubwasuko ubwalungama):
- ☐ a. Ukucita ifintu ifingi ifisuma
 - ☐ b. Ukweshako saana ukucita ifyaololoka
 - ☐ c. Ukupokelela ubwelelo bwakwe Lesa pakucetekela
10. Lilya twapokelela ipusukilo nookupangwa ifipangwa ifipya muli Kristu, nga lipange nshi Lesa akabila pali ifwe? (Efeso 2:10)
-
11. Kupitila muli nani pakufwaya ukwishiba Lesa ? (Yoani 14:6, 9) _____
12. Belengeni 1 Yoani 5:13. Nicinshi cingamoneka kuli abaacetekela Yesu Kristu Mwana Lesa muli buciine?
- ☐ a. Baaliba nesubilo ilyakukwata umweo wamuyayaya
 - ☐ b. Batontontanya ati limbi kuti bakwata umweo wamuyayaya
 - ☐ c. Baalishiba icishinka ati baalikwata umweo wamuyayaya
13. Nga nalifwile buno bushiku, nikwisa ningaya? (Yoani 6:45-47) _____
-

Amepusho yandi pali ili isambililo

Ukulosha kubwikalo

- Lemba amashiwi mubwipi ayakulanga ifyo waishiba ati uli mwana wakwe Lesa. _____
- Ifi nomba nafyalwa cipya cipya mumupashi nookuba umwana wakwe Lesa (Yoani 3:3-7), naalinga ukukwata ifyakulya ifyamupashi pakuti nkule. Nga icakwambilapo pafyakulya fyandi nifinshi? (Mateo 4:4) _____

Ayakonkelepo mashiwi yamo ayasuma ayakupanda amano. Chongeni cila ishiwi ilyakupanda amano nga mwabombelapo:

- ☐ Mulebelenga Baibele cila bushiku. Echakwambilapo pafyakulya fyenu. Mupekanye inshita cila bushiku. Ambileni pali Imbila Nsuma iyakwe Yoani—chapita imo nangula amabumba ayamisela yamashiwi cila bushiku. Amepusho ayengi kuciputulwa ca “Ukufwailikisha Amalembo Yamushilo” yamuli Yoani.
- ☐ Mulepepa cila bushiku. Mulelanda naLesi icakumutima.
- ☐ Mulelongana lyonse ilyo mwingakwanisha. Mwalinga ukushininkisha ati nikucilonganino icishimika ifyamuli Baibele nookulumbanya Kristu.
- ☐ Sambilileni nookwibukisha amashiwi ayamuli Baibele. Amalumbo 119:11 yalanda ati, “Ine amafunde yobe ndayasunga mu mutima wandi, epakuti nilabifya kuli iwe.” Ukusambilila nookwibukisha Amalembo Yamushilo cilaatwafwilishako ukumfwila Lesa. Mwalinga ukubikako amano ukusambilila nookwibukisha cila amashiwi ayamuli Baibele aya muli cila isambilisho.
- ☐ Muleumfwila Lesa. Nga tamushininkishe buciine nangula ukulubana kwacintu, mwalinga ukuipusha mwebene ati, “Nga Yesu niinshi engacitapo?”
- ☐ Muleeshimika. Ebeniko abanenu ifyo Lesa aacita mubumi bwenu.

Amashiwi ayamuli Baibele ayakusambilila nookwibukisha

“Mona! Ninjiminina pa mwinshi ndekonkonsha. Umo nga aumfwa ishiwi lyandi, anjisiwilako iciibi, nkengila mumwakwe, elyo ine na ena tukalya nankwe pamo.” (Ubusokololo 3:20)

Ubulendo bwandi ubwamupashi

Nomba nacikulondolokela bwino “icamoneeke kuli ine.” Nangu niifyo, pano eepakwambilafye ubulendo boobe ubwakupapusha—kucili ifingi!

Isambililo 2

Ukwenda naLesu

Ubwikalo bwine bwine

Yasoni tasansamwike. Ninomba linefye abeele umwina Kristu, elyo naamona ifikalamba ifyaalwike mubwikalo bwakwe. Nangu niifyo, alelwishanya neemibele yakwe, neefyo acita. Cilemukalipa pantu aliisasukila banyina lintu bamwebelele ati abombeko imilimo yakwe iyapajanda. Yasoni aalepapa ati, “Bushe nga waaba umwina Kristu, walinga ukwikala shani ubwina Kristu?” Limbi naiwe waliipushapo wemwine ili ilipusho.

Ukufuma pakufyalwa kumubili, umwana aalinga ukukula, nookusambilila ukwenda. Cimo cine namumupashi. Umwana wakwe Lesu, asambilila ukwenda pamo naLesu—intampulo imo panshita.

Ukufwailikisha Amalembu Yamushilo

- Pakubelenga Imbila Nsuma iyakwe Yoani, walamonamo imilandile iyapusana pusana iyalondolola ukwenda naLesu. Nga imo imo, ni isa?
 - Yoani 8:12 _____
 - Yoani 1:37 _____
 - Yoani 2:5 _____
 - Yoani 5:14 _____
- Bushe ninaani uukanya ukwenda kwesu naLesu? (1 Petelo 5:8) _____
- Bushe niciinshi ico Ciwa aacitile ku Mateo 4:1? _____
- Bushe Yesu aalisumina ukutunkwa? (Bahibulu 4:15) _____
 Bushe intunko nemmembu, cimo ciine? _____
 (Intunko ilanda ati, “Bushe kuti wacita?” Imembu ilanda ati, “nalaacita”—elyo wacita nookucita.) _____
- Nicinshi twalinga ukucita nga Ciwa atucena? (Yakobo 4:7) _____
- Esaya 59:2 alanda ati, “Ala, ifyabubifi fyenu efyamupaatula kuli Lesu wenu; ukubifya kwenu ekulenga alefisa icinso cakwe nokuti alekaana ukumumfwa.” Niciinsi cimo fye icingampatula kuli Lesu? _____
- Bushe umwina Kristu, kuti akana ukubifya pakuboomfya amaka yakwe Kristu? (1 Yoani 3:9) _____
- Nga caalimoneeke ati umwina Kristu aabifya, niciinshi ico aalinga ukucita ukulingana na 1 Yoani 1:9 na 2:1? (conga ubwasuko ubwalungama)
 - ☐ a. Ukulanda ati nshikwete maka kano ncitefye ifibi.
 - ☐ b. Ukufisa ububi bacitile, nookumoneka kwati tacitiikwe.
 - ☐ c. Ukuya kuli Yesu Kristu apo pene, ukuyeebelela ububifi, nookukonkayapo ukuboombela Lesu.
- Nga caalimoneeke ati umwina Kristu abifya nookuyeebelela, niciinshi ico Lesu engacita? (1 John 1:9) _____
- Ukulingana na Yoani 14:21, ukucita amafunde yakwe Kristu, nifinshi cishininkisha? _____
- Belengeni Yoani 10:27-29 nokwasuka aya amepusho:
 - Ninani uwakwata umweo wamuyayaya, nookuba uwasungwa kumaka yakwe Lesu? _____

- b. Pakuba impanga yakwe Kristu (v. 27), nalinga ukumfwila ishiwi lyakwe, ukwishibikwa kuli ena, elyo nafimbi nifinshi?

Amepusho yandi pali ili isambililo

Ukulosha kubwikalo

1. Muleenda na Lesa! Ici calondolola ati kulaakana intunko, kulaumfwila Lesa, nookulakonka Yesu. Lesa aalilaya ati lintu tuletunkwa, akalatulanga inshila iyakubutukilamo nangula iyakushipikishamo. (1 Kolinti 10:13)
2. Boomfyeni amashiwi yenu mwebene mulondolole ukuba kwammembu. (moneni 1 Yoani 3:4 na Yakobo 4:17) _____

3. Bushe ciiputulwa nshi icamubwikalo boobe ico umfwa ati eko utunkwa sana? _____

4. Maano nshi ukwete ayakukaninamo ukutunkwa nookumfwila Lesa? _____

Amashiwi ayamuli Baibele ayakusambilila nookwibukisha

“Ukutunkwa konse ukumwishila, kutunkwafye uko abantu bonse batunkwako. Pantu Lesa wacishinka, tekuti aleke mutunkwe ukucila pa maka yenu. Lelo intunko nga shamwishila, akulamupeela amaka yakushipikisha, epakumona ukwansha isho ntunko.”
(1 Kolinti 10:13)

Ubulendo bwandi ubwamupashi

Mwisambililo ilikonkelepo emuli ukutungulula kwabwikalo bwabwina Kristu ubwatunguluka nookukula. Ili Isambililo 3 eesambililo ilipya ilicililepo ukuwama:

Isambiliulo 3

Ukusambilila kuli Lesa

Ubwikalo bwine bwine

Yasoni teo wine eka uulesambilila ifyakwikala nookwenda mubwina Kristu. Yanisi nao, uulongana lino limo, aalipapa pakumona ifyacitiike kuli Yasoni, icakuti nao aalipepa kuli Lesa amwelelee, elyo aali ipela cipya cipya pakutula aleboombela Lesa. Nomba ulwipusho lwakwe ulukalamba lwakweba ati, Pakuba namatontonkanyo ayengi ayalanda pafintu ifyalungama nefyalubaana, kuti naishiba shani ifyo Lesa afwaya kuli ine? Kuti naishiba shani ifyaciine?”

Kuti twaishiba shana ifyaciine? Amashiwi aya ati “Ukufwailikisha Amalemba Yamushilo” eyatungulula ukwakusanga ifyo Lesa afwaya.

Ukufwailikisha Amalemba Yamushilo

1. Belengeni Yoani 17:17. Balondolola shani Ishiwi lyakwe Lesa (Baibele)? _____
2. Nga Amashiwi yamushilo yaishile shani kuli ifwe pakuti tushininkishe iciine icabamo? (2 Timote 3:16) _____
3. Nifinshi Ishiwi lyakwe Lesa lingatucitila, ukulingana na:
 - a. 2 Timote 3:14-15 _____
 - b. Yoani 15:3 _____
 - c. Imilimo 20:32 _____
4. Pakubelenga Imbila Nsuma iyakwe Yoani, kuti wasangako amasambililo ayaifyo lyacindama Ishiwi lyakwe Lesa:
 - a. Nifinshi ifyo Yesu aacitile pakuboomfya ishiwi (ukonkomesha) lyakwe Wishi? (Yoani 8:55) _____
 - b. Chiifulo nshi lyakwata ishiwi lyakwe Lesa (imbila, nangula iciine) mubwikalo bwabantu? (Yoani 8:37) _____
 - c. Nga twaliba abakwe Lesa, nicinshi twalinga ukucitapo pe shiwi lyakwe? (Yoani 8:47) _____
 - d. Cinshi umusambi waciine uwakwe Kristu alinga ukucita neshiwi (ubusokololo nangula ukusambilisha)? (Yoani 8:31) _____
 - e. Ninshi twalinga ukucita neshiwi (ukukonkomesha, ukusambilisha, nangula ukulanda) pakuti tukonkanyepo mumupashi nakumweo wamuyayaya? (John 8:51) _____
5. Nga nalitemwa Kristu, nicinshi naalinga ukucita? (Yoani 14:23) _____
6. Belengeni Yoani 20:31. Mulandu nshi Ishiwi lyakwe Lesa lyalembelwe? _____
Buupe nshi ningapokelela ngefi nacicetekela? _____
7. Ciwa kuti aesha ukutucimfya, nomba Lesa aalitupela icilwilo icakumucimfishako. E “lupanga lwakwa Mupashi,” e cinshi? (Efeso 6:17) _____
8. Nga Yesu aakene shani Ciwa muli Mateo 4:4, 7, 10? _____

9. Ukulingana na Amalumbo 119:11, nicinshi ningancita neShiwi lyakwe Lesa pakuti nkane ukucita ububifi kuli wene? ____

Amepusho yandi pali ili isambililo

Ukulosha kubwikalo

1. Ciine nshi icamuli Ishiwi lyakwe Lesa icilekwafwilishako shino nshiku? _____

2. Mulandu nshi alinga umwina Kristu ukusambilila ifyamuli Baibele cila bushiku? _____

Amashiwi ayamuli Baibele ayakusambilila nookwibukisha

“Ine amafunde yobe ndayasunga mu mutima wandi, epakuti nilabifya kuli iwe.” (Amalumbo 119:11)

Ubulendo bwandi ubwamupashi

[illegible]

Ukucila “pakusambilila kuli Lesa,” walikwata ishuko nalimbi ilyakupapusha pakuba umwina Kristu. Nabalisolola mwisambilisho ilikonkelepo.

Isambibililo 4

Ukulanda na Lesa

Ubwikalo bwine bwine

“Kuti walanda shani na Lesa uo teti umone nookumona?” Yasoni aalisuminafye umunankwe Mako uo akulile nankwe ati, ilipusho ilyo aipusha, lisuma. Uyu umweshi wapitile, Yasoni eewalingile ukwipusha ili ilipusho. Nomba, pakuba acili umwina Kristu umupya, aleeshako ukwasuka. Lelo kwaliba inshita shimo nao alomfwa kwati amapepo yakwe yaaba amashiwi fye. Elyo Yasoni alatwishika ati, “Kuti walanda shani kuli Lesa uo teti umone, elyo kuti walondolola shani kumunoobe?”

Uwalembelwe Amalumbo alandile ati: “Cila lucelo ulomfwa ishiwi lyandi we Yawe, ilyakulomba elyo no kwikala pakulolela ubwasuko”(Amalumbo 5:3). Natufwailikishe muli Baibele amaano ayakutupandako pali ubu ubulendo balumbula ati “ukupepa”.

Ukufwailikisha Amalembu Yamushilo

1. Bushe Yesu aalicetekeele ifyakuba nenshita iyakuba eka naWishi pakupepa? (Mako 1:35) _____
2. Niliisa naalinga ukupepa? (Luke 18:1) _____
3. Miibele nshi nemilandile nshi iyalinga ukuba muli cila ipepo? (1 Tesolonika 5:17-18) _____
4. Cinshi icintu icikalamba icilenga amapepo yabule ukwasukwa, ukulingana na Amalumbo 66:18? _____
5. Cinshi calinga ukulenga ifyo tuleelomba filinge? (1 Yoani 5:14) _____
6. Bushe nausambililako fimo kuMbila Nsuma iyakwe Yoani pafya kupepa?
 - a. Ishuko nshi akwata cila umwina Kristu? (Yoani 16:24) _____
 - b. Nicinshi ico Lesa acitila ifyo tupepa? (Yoani 14:13) _____
 - c. Ninshi yesu afwaya kuli ifwe pakuti engacita ifyo tulelomba? (Yoani 15:7) _____
7. Pakutula mpokelele ifyo ndepepa, ninshi naalinga ukicita pakupepa? (Mateo 21:22) _____
8. Fintu nshi fimo ifyo ningalumbula pakupepa?
 - a. Mateo 6:11 _____
 - b. Mateo 9:38 _____
 - c. Filipi 1:9 _____
 - d. 1 Timote 2:1-2 _____
 - e. Yakobo 1:5 _____
9. Cinshi cingalesha abena Kristu “ukukanawila mu ntunko?” (Mateo 26:41) _____
10. Nga amapepo ayawama sana yacitenshi? (Congeni ilipusho ililingile sana)
 - ☐ a. Ukubomfya amashiwi ayaalinga, ukucindika Lesa
 - ☐ b. Ukumfwika ubucindami noobukankala
 - ☐ c. Icakumutima

Amepusho yandi pali ili isambililo

Ukulosha kubwikalo

1. Tantikeni nookulumbula ifintu ifyo mulefwaya ukulanda naLesu (ifileemoneka mulupwa, abanenu, kusukulu, imilimo yakusukulu, nafimbi fyashala.).

2. Bushe mwalipekanya inshita iyakulaapepa? Nangu kuti mwafwaya ukulaapepa bushiku boonse, lelo ninshita nshi, necifulo nshi mwingafwaya ukwakupepela cila bushiku. _____

Amashiwi ayamuli Baibele ayakusambilila nookwibukisha

“Ukufika pali nomba, tamulomba Tata icintu nelyo cimo ico muli basambi bandi. Akulombeni, mwakulapeelwa, elyo mukaba ne nsansa ishapwililika.” (Yoani 16:24)

Ubulendo bwandi ubwamupashi

[illegible]

Limbi tawatala ishiba ifyo ishuko likalamba waakwata, lyaaba lyakulanda naLesu Umwine wamaka yonse. Icitemwiko coonse namapalo ayo aakupeela, yalinga ukukulenga umucitilepo cimo, te fyo?

Isambililo 5

Ukucitila fyonse pamo na Lesa

Ubwikalo bwine bwine

Pamweshi umu uupitile, ifibusa cine konse konse ficili filekumana pali cila ubushiku bwaCibili. Damoni, Yasoni, Yanisi naabanabo basano, baalipanga akalibumba pakuti baleepepela pamo, nookusambilila ifya muli Baibele, nookuikoselesha pakukula mumupashi. Kukulongana kwaliko ukwapita, ipepo lyakwe Anjela lyaliimoneka apabuta. Aleecuula sana mubumi pakufwaya ati omfwe Lesa mumupashi, nomba nomba line fye, aaliisa kakuka. Aapepele ati, “Mwe Lesa, nomba niimicetekela sana, ukucila nakale! Ndefwaya ukumisansamusha, nookumiboombela, nookulaamyebako ukuba kwandi koonse nookulamipelako fyoonse ifyo naakwata.

Umutumishi Paulo aalandile amatontonkanyo yakwe cimo ciine ati: “Kanshi fyonse ifyo mulecita, cibe kulya nangu ukunwa, fyonse muleficita pa mulandu wakulumbanya Lesa.” (1 Kolinti 10:31). Ili Isambililo likonka ifyo ici iciine calola pali ifwe cila muntu.

Ukufwailikisha Amalemba Yamushilo

1. Ukulingana na Mateo 22:36-40:
 - a. Bushe kuti natemwa Lesa nookushinta pesa? _____
 - b. Bushe kuti natemwa umuntu munandi nookushinta pesa? _____
2. Bushe kuti nalanga shani Lesa naabantu banandi icitemwiko? (1 Yoani 5:2-3) _____
3. Nifinshi Yesu aalandile pafyakuitula kuli Lesa nakumulimo wakwe?
 - a. Nifinshi lwalinga ukucita uluseke lwa ganu pakuti lutwale ifisabo ifingi? (Yoani 12:24-25) _____
 - b. Nga ndeboombela Yesu Kristu pamalo yakuibombela nemwiine pakuyumfwa, nifishi bengacita baWishi? (Yoani 12:26) _____
4. Pakuba umwina Kristu, nalikwata imibeele iyipya iyacumfwano naabantu mubwikalo pantu ndi necumfwano icipya naLesa. Pakuba “muli Kristu” (umwina Kristu, uwaikatana nao), ifyakale baalifipyana kuli finshi? (2 Kolinti 5:17) _____
- a. Icumfwano candi icipya kufintu ifyakumubili:
 - 1) Nomba ndefwaya [ukulaapeela] [ukulaasunga] ifintu. (Pangeni umushinguluko kwishiwi ilyalinga) (Luka 6:38).
 - 2) Congeni imibeele iyalinga kufintu, ifyo baalanga ku Efeso 4:28:
 - ☐ Mwilaiba nakaambi.
 - ☐ Mube abamilimo sana.
 - ☐ Ukukwata fyonse ifyo ningakwata.
 - ☐ Ukulaapeelako abapina.
 - ☐ Imibeele yandi tayacindama.
 - ☐ Ukulaafwaya fye ifisuma sana.
- b. Icumfwano candi icipya kubantu:
 - 1) Nalinga ukuba shani kubantu? (Efeso 4:32) _____
 - 2) Nalinga [ukutaluka] [ukufwaya] (Pangeni umushinguluko kwishiwi ilyalinga) icumfwano icapalama sana nabashili abena Kristu pakuti ndeikala ubwikalo ubwalungana sana (2 Kolinti 6:14).
- c. Icumfwano candi icipya kuli ine nemwine:
 - 1) Pakulaasunga nookuboomfya umubili wandi, naalinga ukwibukisha ati waaba nicinshi? (1 Kolinti 6:19) _____
 - 2) Nishani naalinga ukuboomfya inshita yandi neenshita ishakushukila? (Efeso 5:15-16) _____

5. Naalinga ukutemwa _____ (1 Yoani 2:10),
lelo nshalinga ukutemwa _____ (1 Yoani 2:15-16).
6. Mulandu nshi Lesa aaloleela ifwe ati tumucindike? (1 Kolinti 6:20) _____
7. Cinshi cikonkapo nganalenga ubufumu bwakwe Lesa bube ubwacindama sana mubwikalo bwandi (umwakuti niLesafye euletungulula)? (Mateo 6:31-33) _____
8. Nga tuleecitila fyonse pamo naLesa pakukonka icitemwiko cakwe, ninani uupokelela ifingi ukucilapo? (Mako 10:28-30) _____

Amepusho yandi pali ili isambililo

Ukulosha kubwikalo

Kwaliba inshila ishing i sho umuntu engacitilamo fyose pamo naLesa. Tantikeni nookulumbula inshila shisano isho mwingacitilamo fyonse naLesa:

1. _____
2. _____
3. _____
4. _____
5. _____

Amashiwi ayamuli Baibele ayakusambilila nookwibukisha

“Kanshi fyonse ifyo mulecita, cibe kulya nangu ukunwa, fyonse muleficita pa mulandu wakulumbanya Lesa.” (1 Kolinti 10:31)

Ubulendo bwandi ubwamupashi

Twasambilila ati mukucitila ifintu pamo naLesa mwaliba insansa. Kwaliba nakumbi ukucita ifintu ukwaibela lilya tulelanda naabantu pafyakwe Kristu, uko beta ati ubumbone. Isambililo ilikonkelepo lyalalandapo.

Isambililo 6

Ukwebako Bambi Icisumino Candi

Ubwikalo bwine bwine

Anjela naasanga insansa isho taishiibe ati kuti akwata mumweo wakwe, mpaka fye ilyo aishile itula kuli Lesa. Elyo eshiibe ati abantu bambi nabo balingile ukwaluka kumo kwine uko apokelela mumutima—makamaka ndume yakwe, Kali. Anjela alasakamana pabanankwe bakwe Kali abapya neemicitile yabo. “Icine nshishibe ifyakulanda kuli wene nangula ifyakulondolola ifyo Yesu anjalula mumweo,” efyo ebako abanankwe, nabalya abo apepa navo. “Lelo nga mwampepelako, nasubila infumu kuti yandanga inshila ifyakulanda nankwe.”

Anjela naasambilila Isambililo ilikankala: abantu abengi balapita mukwaluka ukwashika muli Kristu, lelo balalekelesha ukwebako bambi. Ubumbone kwebako bambi ifyo Kristu aakucitila.

Ukufwailikisha Amalemba Yamushilo

1. Ukufuma palya Kristu aaposeshe umwaume uwakwete imipashi iyakowela, aali mukonkomesha fimo. Lishiwi nshi ifyakulondolola “ubumbone” ilyo musangile kuno? (*Luka 8:39*) _____

2. Imbila Nsuma iyakwe Yoani ilatusambilisha ifingi ifyabumbone:
 - a. Ukulanda ifyabumbone (nangula ukushimika ifyamoneka) ekwebako bambi (salenipo cimo):
 - ☐ a. Ifyo bakusambilisha fyacine.
 - ☐ b. Ifyo waumfwa kuli bambi.
 - ☐ c. Ifyo waimwena nookumfwa—ifyakumonekela wemwine. (*Yoani 3:32*)
 - b. Nifishi ifyo aalecita Andele mu Yoani 1:40-41? _____

 - c. “Mulimo” nshi uo Yesu aebe ati eo Lesaaalanda ati twalinga ukuboomba? (*Yoani 6:28-29*) _____

 - d. Nifishi ifyo Yesu aatweba ukucita mu Yoani 15:16? _____

3. Nga ukuba umwina Kristu ecintu icawama sana icakumonekela, kansi icabupe nshi icawama sana ico wingapela umuntu umbi? _____

4. Nicinshi ico Yesu aatukomailapo ati tuleecita mu Mateo 28:18-20? _____

5. Nicinshi ico baleecita abena Kristu abakwambilapo icakulanga ati baalipokelela Kristu? (*Imilimo 8:12, 35-38*) _____

Bushe walicita ici icakulangilapo icisumino? (Congeni icalolako)

 - ☐ E mukwai ☐ Ncili ndetontonkanyapo
 - ☐ Iyo mukwayi ☐ Nshaishibe ati cikankala
6. Bushe abantu abashasumina Kristu, ukuba kwabo kwaba shani? (*Yoani 3:18*) _____

7. Nga nakonka Kristu, bushe alaanda ati ninshi engacita? (*Mateo 4:19*) _____

8. Ukulingana na 1 Petelo 3:15, kuti naipekanya shani pakuti nshimike ifyakwe Kristu? _____
9. Nikwisa uko Paulo aakumenye abantu pakuti engabebako imbila nsuma iyakwe Kristu? (Imilimo 17:17; 20:20) _____
10. Mulandu nshi ifyakushimika fyalinga ukulandafye pali Kristu? (Yoani 14:6) _____
11. Pakuba bakambone bakwe Kristu, niimbila nshi twalinga ukushimika? _____
 Yoani 3:16 _____
 Roma 6:23 _____
 Roma 3:23 _____
 Esaya 53:6 _____
 Yoani 1:12 _____
12. Nga umuntu apokelela Kristu, mulimo nshi uwesu pali uyo umuntu? (Imilimo 14:21-22) _____

Amepusho yandi pali ili isambililo

Ukulosha kubwikalo

1. Ubumbone bwaaba mufipandwa fitatu: (1) Ubwikalo bwandi ilyo shilaaba umwina Kristu; (2) Ifyo naishile ba umwina Kristu; (3) Ifyo Yesu aalondoloka mumweo wandi. Lembeni ubumbone ubwipi ubo mwingeebako umunenu.

2. Tantikeni amashina yabantu batatu abo mwaishiba ati baalinga ukukwata Kristu. Bapepeleni nookufwaya inshita ishakushukila pakuti mubashimikile.
 1. _____
 2. _____
 3. _____

Amashiwi ayamuli Baibele ayakusambilila nookwibukisha

Yesu aabebele ati, “Nkonkeni, nkamucita abalondo ba bantu.” (Mateo 4:19)

Ubulendo bwandi ubwamupashi

Nomba ifi mwaishiba ati mwalinga ukwebako bambi ifyakwe Yesu Kristu, limbi kuti mwaumfwa umwenso uwakucitefyo. Nikwisa mwingasanga amaka ayakulanda nangu muli noomwenso? Efili mwisambililo ilikonkelepo.

Isambililo 7

Ukuba Abaisushiwa kuli Mupashi wakwe Lesa

Ubwikalo bwine bwine

“Mwe mfumu, naamwishiba ifyo ndekabila ukuba noobwikalo ubwakumiboombela. Nalapila pakumona ati ubwikalo bwandi tabufikilisha ukutemwa kwenu ilingi. Ndekabila sana ukumisansamusha. Ndefwaya ukulanga bambi ifyo calondoloka ukuba umusambi wenu uwaciine. Ndefwaya mbe necicetekelo icakulashimika ukwabula umwenso mwishina lyenu. Lelo cimoneka kwati ndamifuupusha lyonse. Bushe kuli ifyo nshilefikilisha mubwikalo bwandi, mwe mfumu?” Eepepo lyakwe Yasoni ilyabuciine.

Yasoni tali eka pakumfwa ati alekabila ukucitila Lesa ifingi ukucila apo ali, lelo takweta amaka. Ubwasuko bwaubu ubwafya bwaba apabuta: twalinga ukukwata amaka yakwe Lesa ayengi muli Mupashi wakwe. Ecalengele Paulo eebe abena Kristu panshiku shakwe ati, “Leken i Mupashi eo esule mu mitima yenu” (Efeso 5:18).

Ukufwailikisha Amalembo Yamushilo

- Yesu aabikile inshita yakwe kukusambilisha abasambi bakwe ifyakwe Mupashi Wamushilo. Yoano aalilembako yamo amasambililo yene:
 - Ninani uo Yesu aebele ati akalenga tukabe abaisula sana nookucilapo muli Lesa (kwati mumana uwamenshi ayabumi)? (Yoani 7:38-39) _____
 - Ninani uukatusambilisha? (Yoani 14:26) _____
 - Bushe Mupashi uwakwata iciine, ashimika ifyakwanani? (Yoani 15:26) _____
 - Nipanshita nshi mubwikalo bwamwina Kristu apo Mupashi Wamushilo ambako ukuboomba? (Yoani 3:5) _____
- Nikuli nani uko balingile abasambi bakwe Yesu ukupokelela amaka yalingamo pakuti baye mukushimika? (Imilimo 1:8) _____
- Niinshi ifyo Saulo (Paulo) alingile ukukwata mumupashi, nangu kaale aapokelele Kristu? (Acts 9:17) _____
- Ichakwishibilapo ati ulukuta lwaku Kolinti talwaali ulwaisulwa na Mupashi, nipakulanga imibeele iyalubaana, iyili nga ubufuba, ekweba ati baali bacilli shani? (1 Kolinti 3:1, 3) _____
- Mulimo nshi uwaibeela uwa Mupashi Wamushilo, uwakusangulula nookutubika pambali ukwapwililika, pakuti batuboomfye kuli Lesa? (1 Petelo 1:2) _____
- Nicinshi ico Yesu aapepelele abasambi bakwe? (Yoani 17:17) _____
- Lintu Lesa aapele Mupashi Wamushilo kubena Kristu abakwambilapo, nifinshi aacitile pamitima yabo iyakowela? (Imilimo 15:8-9) _____
- Ninshi twalinga ukucita pali cila icipandwa icakowela mubwikalo bwesu? (2 Kolinti 7:1) _____
- Bushe Lesa afwaya ati umushilo wesu ube uwapwililika shani? (Babaile bamo abo bailula, baboomfya amashiwi yambi pakulumbula amaano yamo yene ati: “umushilo,” “ukusangulula,” nangula “ukubika pambali” (1 Tesolonika 5:23) _____
- Ninani uwingacita pakuti mbe uwawama “umupwilapo mu nshila shonse”? (1 Tesolonika 5:23) _____

11. Amaka ya _____ eyatupususha ku “maka ya bubifi ne mfwa.”
(Roma 8:2) _____
12. Imibeele iyalubaana iyabena Kolinti yalangile ati nifinshi ifyalinga umwina Kristu ukuba ifyo tabakwete? (1 Kolinti 13:13)

13. Kuti napokelela icitemwiko cakwe Lesa kuli _____ (Romans 5:5).
14. Nga naisushiwa kuli Mupashi Wamushilo, nshalinga ukwikala ukulingana na _____,
kano ukulingana na _____ (Roma 8:4-5).

Amepusho yandi pali ili isambililo

Ukulosha kubwikalo

1. Cumfwano nshi icabamo mukati kandi naMupashi Wamushilo pali ndaka ino?

2. Ubwina Kristu ubwasangululwa nookupelwa amaka, ebwaisushiwa kuli Mupashi Wamushilo, nookufumfukumila kuli bambi. Bushe kuti mwafwaya ukuba uwaisushiwa kuli Mupashi? Ishi entampulo shine:
 - ☐ Lomba Lesa akupele Mupashi mukupwililika (Luka 11:13).
 - ☐ Itule umweo onse kuli Lesa (Roma 12:1-2).
 - ☐ Uyebelele ifyo waalinga ukusangululwa mumutima (Imilimo 15:8-9).
 - ☐ Pakukwata icisumino, pokeleleni Mupashi uwakusangulula (Imilimo 15:8-9; 1 Tesolonika 5:23-24).

Amashiwi ayamuli Baibele ayakusambilila nookwibukisha

“Lesa wamutende umwine amuwanye umupwilapo mu nshila shonse. Alemusunga ababula icilubo ku mipashi yenu, ku myeo yenu na ku mibili yenu mpaka Imfumu yesu Yesu Kristu ikabwele.” (1 Tesolonika 5:23)

Ubulendo bwandi ubwamupashi

Mwaboombeni pakulunduluka muli aya amasambililo namubwikalo bwenu ubwabwina Kristu. Mwileka iyo! Elyo ibukisheni ati tamuli mweka mubwikalo bwine. Isambililo ilikonkelepo lilelanda palyashi line.

Isambililo 8

Ukuba Uwamulupwa

Ubwikalo bwine bwine

Yasoni naasanga ulupwa. Damoni, Yanisi, na Anjela eebali abamulupwa lwine lulya. Icishili cakupapa, boonse bamyaka imo ine naena iyakufyalwa, elyo balaya kusukulu imo ine, neefyo batemwa ukucita fyaba nifimo fine. Lelo, ulu ulupwa ulu Yasoni asangile, lwaba ulukalamba nookushika ukucila bucibusa fye. Elyo alomfwa ukuba uwapalama sana nakuli bambi abamulukuta lwakwe ulupya, abali nga Banakulu Liti abamyaka 80 iyakufyalwa noomwaice Jimi uwamyaka 7. Ico asangile Yasoni cakweba ati lintu aishile ba umwina Kristu, eapo bonse abena Kristu baishile ba bamunyina nenkashi. Cimo cine naimwe. Ulu ulupwa ulupya ulu wabamo, balwita ati “Ulukuta.”

Ukufwailikisha Amalemba Yamushilo

- Baibele ilumbula abantu abaleekonka Kristu umwapusana pusana. Tantikeni amashiwi yatatu mu Imilimo 11:26 ayalumbula abantu abaleekonka Kristu:
 - _____
 - _____
 - _____
- Pakuba tuli bena Kristu abalinga ukuboombela pamo, limo limo Ulukuta balwita ati _____
(1 Kolinti 12:27).
- Nga umutwe waLukuta, ninani? (Efeso 5:23) _____
- Cinshi ico Yesu acita icilanga ati Ulukuta lukankala kuli wene (Efeso 5:25) _____

- Pakutla ati mbe uwamuLukuta, cumfwano nshi ico nalinga ukuba naco naKristu? (Efeso 5:24) _____

- Kwali shani kuncende uko Paulo asambilishe ifyamubwikalo bwakwe ubwabwina Kristu? (1 Kolinti 4:17) _____

- Masambililo nshi mu Mbila Nsuma iyakwe Yoani ayo musambilile pafya Lukuta?
 - Abamucalo kuti baishiba shani ati ndi wamuLukuta ulwaciine (umusambi wakwe Kristu)? (Yoani 13:35) _____

 - Mulimo nshi uwaibela uo Petelo nabonse bakacema abakonka pali wene uo balinga ukubomba kubena Lukuta? (Yoanai 21:16) _____

- Belengeni 1 Kolinti 11:23-26. Ulukuta lulakonkanyapo ukucita uyu umusango uo beta ati “Ukulila pamo” nangula “Ifyakulya fyaMfumu Ifyacungulo.” Nifinshi ifyo twibukisha pakubako kukulya? _____

- Bushe nalinga ukulaacita shani pali munyina nangula nkashi mulupwa lwandi ulwa muLukuta? (Galatia 6:2) _____

- Lintu Mupashi Wamushilo apela ifyabupe ifyaibela kuli cila muntu, ninshi acitila ifyo? (1 Kolinti 12:4, 7) _____

11. Amalukuta yamo yaaba ayamaka nookutemwana, nomba yambi tayaabefyo. Lukuta nshi pali aya yabili ayakonkelepo, ululemoneka kwati kuti wafwaya ukwafwilishako nangula ukubako? (Congenipo lumu.)
 - ☐ a. Ulukuta ulwali ku Yerusalemu (*Imilimo 4:32-33*)
 - ☐ b. Ulukuta ulwali ku Laodikea (*Ubusokololo 3:14-17*)
12. Ninshi abena Kristu abakwambilapo baacitile pamasambilisho yabatumishi, napali ifyacumfwano, ifyakumokola umukate, nefyakupepa? (*Imilimo 2:42*) _____
13. Nifinshi ifyo naalinga ukucenjela nafyo nga ndekabila ukusansamusha imfumu? (*Bahibuku 10:25*) _____

Amepusho yandi pali ili isambililo

Ukulosha kubwikalo

1. Buupe nshi bumu—ifyo umuntu engacita ifyaibela—ubo Lesa aamipela uwakukulishako ulukuta? _____
2. Pakuboomfya icisumino coobe, waliba uwaikatana naYesu Kristu, mumupashi, kuli boonse abena Kristu abaciine. Kanshi walinga ukutontontanya ifyakuba pamo noolukuta. Ici icumfwano caliba icikankala, elyo umulimo waciko waaba uukalamba icakuti abena Kristu baalingile bekatane mushila ishing. Pakukwafwako kulukuta loobe nakacema waciko, elyo wingakonkaishapo ukukula muli Kristu. Ico walingila ukuba pamo mulukuta niifi: _____

Amashiwi ayamuli Baibele ayakusambilila nookwibukisha

“Twilashala kukulongana pamo, nga filya bamo bacita. Lelo mufwile ukulakoseleshanya, palibufi apo mulemona ukuti Ubushiku bwa Mfumu bwile bulepalama.” (Hebrews 10:25)

Ubulendo bwandi ubwamupashi

Mwaboombeni pakupwa aya amasambililo! Inshiku ishawama shileisa kuntanshi pabulendo bwenu naLesu!

Ukusuminishiwa UkwaiBELA

ISHINA

Alipwisha Amasambililo Ayakwambilapo Ayabalumendo Nabakashana Ayamuli Baibele

KACEMA

UWAKUSAMBILILA NANKWE

UBUSHIKU

Wileka muntu nelyo umo akusuwile ico uli mulumendo. Lelo uleba icilangililo ku basumina mu milandile yobe, mu mibeele yobe, mu citemwiko, mu cisumino na muli bukaele bobe.

1 TIMOTE 4:12

Apakuleemba ukulunduluka

Ishina _____

Ukwakubasanga _____

Ubushiku _____

Ubushiku baalwike	Inambala yesambililo	Ifyakulandapo
1		
2		
3		
4		
5		
6		
7		
8		

Isambililo 1

*Mona! Ninjiminina pa mwinshi
ndekonkonsha. Umo nga aumfwa ishiwi
lyandi, anjisolako iciibi, nkengila
mumwakwe, elyo ine na ena tukalya
nankwe pamo.*

UBUSOKOLOLO 3:20

Isambililo 2

*Ukutunkwa konse ukumwishila,
kutunkwafye uko abantu bonse
batunkwako. Pantu Lesa wacishinka,
tekuti aleke mutunkwe ukucila pa maka
yenu. Lelo intunko nga shamwishila,
akulamupeela amaka yakushipikisha,
epakumona ukwansha isho ntunko.*

1 KOLINTI 10:13

Isambililo 3

*Ine amafunde yobe
ndayasunga mu mutima wandi, epakuti
nilabifya kuli iwe.*

AMALUMBO 119:11

Isambililo 4

*Ukufika pali nomba, tamulomba Tata
icintu nelyo cimo ico muli basambi
bandi. Akulombeni, mwakulapeelwa,
elyo mukaba ne nsansa ishapwililika.*

YOANI 16:24

Isambililo 5

*Kanshi fyonse ifyo mulecita, cibe kulya
nangu ukunwa, fyonse muleficita pa
mulandu wakulumbanya Lesa.*

1 KOLINTI 10:31

Isambililo 6

*“Nkonkeni, nkamucita
abalondo ba bantu.”*

MATEO 4:19

Isambililo 7

*Lesa wamutende umwine amuwamye
umupwilapo mu nshila shonse.
Alemusunga ababula icilubo ku mipashi
yenu, ku myeo yenu na ku mibili yenu
mpaka Imfumu yesu Yesu Kristu ikabwele.*

1 TESOLONIKA 5:23

Isambililo 8

*Twilashala kukulongana pamo, nga filya
bamo bacita. Lelo mufwile
ukulakoseleshanya, palibufi apo
mulemona ukuti Ubushiku bwa Mfumu
bwile bulepalama.*

BAHIBULU 10:25